



7 Februari 2018  
7 February 2018  
P.U. (A) 26

WARTA KERAJAAN PERSEKUTUAN

*FEDERAL GOVERNMENT  
GAZETTE*

KAEDAH-KAEDAH MAHKAMAH RAYUAN  
(PINDAAN) 2018

*RULES OF THE COURT OF APPEAL  
(AMENDMENT) 2018*

DISIARKAN OLEH/  
*PUBLISHED BY*  
JABATAN PEGUAM NEGARA/  
*ATTORNEY GENERAL'S CHAMBERS*

AKTA MAHKAMAH KEHAKIMAN 1964

KAEDAH-KAEDAH MAHKAMAH RAYUAN (PINDAAN) 2018

PADA menjalankan kuasa yang diberikan oleh seksyen 17 Akta Mahkamah Kehakiman 1964 [*Akta 91*] dan dengan persetujuan Ketua Hakim Negara, Jawatankuasa Kaedah-Kaedah membuat kaedah-kaedah yang berikut:

**Nama dan permulaan kuat kuasa**

1. (1) Kaedah-kaedah ini bolehlah dinamakan **Kaedah-Kaedah Mahkamah Rayuan (Pindaan) 2018**.

(2) Kaedah-Kaedah ini mula berkuat kuasa pada 1 Mac 2018.

**Pindaan am**

2. Kaedah-Kaedah Mahkamah Rayuan 1994 [*P.U. (A) 524/1994*], yang disebut “Kaedah-Kaedah ibu” dalam Kaedah-Kaedah ini, dipinda dengan menggantikan perkataan “Kuala Lumpur” di mana-mana jua terdapat dengan perkataan “Putrajaya”.

**Pindaan kaedah 12**

3. Kaedah 12 Kaedah-Kaedah ibu dipinda dengan menggantikan perkataan “satu bulan” dengan perkataan “tiga puluh hari”.

**Pindaan kaedah 17**

4. Kaedah 17 Kaedah-Kaedah ibu dipinda dengan menggantikan subkaedah (1) dengan subkaedah yang berikut:

“(1) Notis rayuan boleh diberikan dengan memfailkan dalam masa yang dihadkan untuk membuat rayuan itu empat salinan notis rayuan dalam Pejabat Pendaftaran Mahkamah Tinggi di tempat yang penghakiman, perintah atau keputusan yang diadukan itu telah dibuat atau diberikan dengan membayar fi yang ditetapkan.

Mahkamah boleh atas permohonan oleh responden, dalam mana-mana hal yang difikirkan patut olehnya, memerintahkan supaya jaminan kos diberikan, dan boleh memerintahkan supaya jaminan diberikan bagi pembayaran kos yang lalu yang berhubungan dengan perkara yang berkenaan dalam rayuan itu:

Dengan syarat bahawa tiada perintah bagi pembayaran jaminan kos boleh dibuat jika rayuan itu dibuat oleh Kerajaan Malaysia atau mana-mana Kerajaan Negeri.”.

### **Pindaan kaedah 18**

5. Kaedah 18 Kaedah-Kaedah ibu dipinda—

(a) dalam perenggan (4)(e), dengan memotong perkataan “, dengan syarat bahawa jika Mahkamah mengarahkan sedemikian, ketiadaan penghakiman bertulis, alasan keputusan atau nota yang dipersetujui tidak boleh menghalang perayu daripada meneruskan rayuannya”;

(b) dengan menggantikan subkaedah (7) dengan subkaedah yang berikut:

“(7) Memorandum dan salinan yang disebut dalam subkaedah (4), yang kedua-duanya sekali hendaklah dipanggil rekod rayuan, hendaklah difailkan dalam Pejabat Pendaftaran dalam masa sembilan puluh hari dari tarikh keputusan yang dirayukan itu diberikan.”;

(c) dalam subkaedah (7A), dengan menggantikan perkataan “lapan minggu selepas kemasukan rayuan” dengan perkataan “masa sembilan puluh hari dari tarikh keputusan yang dirayukan itu diberikan”; dan

(d) dengan memasukkan selepas subkaedah (7A) subkaedah yang berikut:

“(7B) Walau apa pun subkaedah (7) dan (7A), sekiranya mana-mana salinan dokumen yang dinyatakan dalam perenggan (4)(b) atau (e) tidak

boleh didapati selepas sembilan puluh hari dari tarikh keputusan yang dirayukan itu diberikan, mahkamah boleh membenarkan perayu untuk meneruskan rayuannya.”.

### **Pemotongan kaedah 26**

6. Kaedah 26 Kaedah-Kaedah ibu dipotong.

### **Pindaan kaedah 28A**

7. Kaedah-Kaedah ibu dipinda dengan menggantikan kaedah 28A dengan kaedah yang berikut:

“Permohonan meminta kebenaran untuk merayu. 28A. (1) Semua permohonan meminta kebenaran untuk merayu kepada Mahkamah hendaklah dibuat melalui usul dan difailkan dengan Pendaftar.

(2) Afidavit menyokong sesuatu permohonan meminta kebenaran untuk merayu hendaklah mengandungi perkara-perkara yang berikut:

- (i) mahkamah yang di dalamnya guaman atau prosiding itu bermula;
- (ii) perihalan ringkas tindakan itu atau prosiding lain;
- (iii) tarikh dan perihalan ringkas perintah yang dibuat oleh mahkamah yang mula-mula itu;
- (iv) jika prosiding itu bermula daripada mahkamah rendah, maka tarikh dan

perihal ringkas perintah yang dibuat oleh Mahkamah Tinggi; dan

- (v) pernyataan ringkas alasan-alasan yang berasaskannya pemohon meminta kebenaran untuk merayu.

(3) Tanpa menjejaskan subkaedah (2), affidavit menyokong sesuatu permohonan meminta kebenaran untuk merayu boleh mengandungi apa-apa perkara lain yang perlu dan berkaitan dengan permohonan itu.

(4) Jika kebenaran untuk merayu diberikan perayu hendaklah memfailkan—

- (a) notis rayuan dalam tempoh empat belas hari dari tarikh kebenaran untuk merayu diberikan; dan

- (b) memorandum dan salinan dokumen yang dinyatakan dalam subkaedah 18(4), di Pejabat Pendaftaran dalam masa sembilan puluh hari dari tarikh kebenaran untuk merayu diberikan atau dalam apa-apa masa lanjutan yang mahkamah benarkan.

(5) Jika kebenaran untuk merayu diberikan mahkamah boleh—